

Dia 2 di October gobierno y Bahia Principe lo firma un MOU

Pa desaroya proyecto hotelero na San Nicolas

ORANJESTAD(AAN): Despues di e bishita na Republica Dominicana pa topa e top ehecutivonan di Bahia Principe a compronde cu dialuna tin un anuncio importante pa Aruba. Minister Otmar Oduber a medio los algo caba riba su facebook. E anuncio aki sigur ta pa confirma cu tin un decision cla pa wordo concretiza. E partidonan lo firma un MOU dia 2 di October. Esnan di Bahia Principe di Grupo Piñeros kier pone prome piedra dia 15 di February. Nan ta rancasali mesora cu nan 350 prome cambernan den fase uno cu mester keda cla na October 2016. E inversion total den prome fase ta 80 miyon pero nan kier inverti total den tur e cambernan 250 miyon dollar. E hotel ta uno five star. Dialuna nifica cu e minister mes lo anuncia e decision pa firma dia 2 di October na Aruba.

